

ጳውሎስ ኤፌሶና አሳው ፃፊዳ ኪታ ጌሉዋ

ጳውሎስ ኤፌሶንን ዳዒያ አሳሲ ፃፊዳ ኪታን ኡባባፔ አሊዳ ኢ ጌሌዳዋ፡ «ፆሳ ቆፋ ኦሱዋን ፔሻናዌ ሳሉዋኒኔ ሳዓን ዳዒያባይ ኡባይ ኢቲፔ ሺቂዳ፡ ኢቲ ኪሪሰቶሳ ማታ ጋርሳን አቂያ ዎዲ ጋካና» ያጌያ ቆፋ (1:10)። ሄዋ ቦላንካ ጉጂይ ዬሱሲ ኪሪሰቶሳና ኢቲፔ ጌዲዳ፡ አሳ ዛሪያ ኡባይ ኢቲዋ ጌዳና ማላ፡ ሃ ዎልቃማ ቆፋ ኦሱዋን ፔሻናዳን ፆሳ አሳ ሃሳዪሴ።

ኤፌሶና ኪታይ ኮይሮ ሳን ፃፊ ኢቲፔቴላዋ ፃፋናው ደሜዳዎ አሲዳ፡ ፆሳይ አዉ ባሪ አሳ ዎቲ ደሪዴንቶ፡ ኡንቲንቲካ አ ናዓ፡ ዬሱሲ ኪሪሰቶሳን ባሪንቲ ናጋራፔ ማሪቲዳ፡ ዋኒ ላዓ ኬሴዴንቶኔ ፆሳ ዎልቃማ ሂዶታ ቃላይ ጌሻ አያና ባጋና ዎቲ ኤሪቴዴንቶ ኦዴ። ላዒሊያ ሻኩዋን ቃሲ ፃፊ ሃ ኪታ ናባቢያዋንቲ ባሪንቲ ኢቲፔቴላ ዴዑዋን ኪሪሰቶሳን ኡንቲንቲሴ ዳዒያ ኢቲፔቴላይ ቲማ ጌዳና ማላ ኡንቲንቲ ዋኒዳ ዳዓናው ቤሲንቶ ቆፊሴ።

አሳይ ኪሪሰቶሳን ዳዒያ ኢቲፔቴላን ዋኒዳ ዳዓናው ዳንዳዪንቶ ዲማ ዲማ ሂላ ሃሳያን ቆንጨዳ። አማኒያ አሳይ ኢቲ አሳቴላ ለሚሱዋ ጌዲያ ዎዳ፡ ኪሪሰቶሲ ሄ አሳቴላው ሁጲያ ጌዴ። አማኒያ አሳይ ጌምቢያ ጎሊያን ለሚሱቲያ ዎዳ፡ ኪሪሰቶሲ ሄ ጌምቢያ ጎሊው ጎዳ ፃጶዋ ሚኒሲያ ዋና ሹቻ ጌዴ። አማኒያ አሳይ ማቸያዳን ለሚሱቲያ ዎዳ፡ ኪሪሰቶሲ አሲናዳን ጌዴ። ፃፊያዌ ኪሪሰቶሳ ባጋና ቆንጨዳ ፆሳ አጶ ኬካቴላ ዳር ጶቂሲ ናሺ ሃሳዪዳ፡ ጨማቴዳ ቆፋ ሺሼ። ኢ ኡባባካ ኪሪሰቶሳ ሲቁዋን፡ ኢ ያርሼቶዋን፡ አ ማርቴላን፡ አ አጶ ኬካቴላኒኔ አ ሳርቴላ ባጋና ጌሌ።

ሺምጋቲዋ ኡባቲዋሲ አሜቴዳ ቃንላ ቆፋቲዋ

ጌሉዋ (1:1-2)

ኪሪሰቶሳኔ አማኒያ አሳ (1:3-3:21)

ኪሪሰቶሳን ቤቲያ ኦራላ ዴዑዋ (4:1-6:20)

ዉርሴላ ቁቲያ (6:21-24)

1 ታኒ ያሳ ሼኒያን ኪሪሰቶሲ ዩሱሲ ኪቴዳ ጳውሎስ፡ ኤፌሶናን ዳዒያ ያሳ ናናው ቃሲ ኪሪሰቶሳ ዩሱሳው አማኔቲዳ ዳዒያዎንቶ ሃ ደቢዳቢያ ፃፋይ።

2 ያሳ ኑ አወዋጥኔ ጎዳ ዩሱሲ ኪሪሰቶሳጥ አጾ ከካቴላዪኔ ሳርቴላይ ሂንቴንቶ ገዶ።

ኪሪሰቶሳጥ ቤቲያ አያና አንጂዎ

3 አያና አንጂዎ ኡባን ኪሪሰቶሳ ባጋና ቦላ ሳሉዎን ኑና አንጂዳ ያሳ፡ ኑ ጎዳ ዩሱሲ ኪሪሰቶሳ አወዋ፡ ኑኒ ጋላቴቶ። 4 ኑኒ አ ሲንላን ጌሻቱዎኔ ፖኩ ባዪናዎንታ ገዳና ማላ፡ ያሳይ ኑና ሳዓይ ማዴታናፔ ካሴ፡ ኪሪሰቶሳ ባጋና ባሬ ሲቁዎን ደሬዳ። 5 ያሳይ ባሬ ሼኒያን ባሬ ደሴዳዎዳን፡ ዩሱሲ ኪሪሰቶሳ ባጋና ኑና ባሬ ናናቱዎ ኦላናው ካሴቲዳ ቆፒ ዎሌዳ። 6 ያሳይ ባሬ ሲቁያ ናዓ ባጋና ኑሲ ጮ አሜዳ አጾ ከካቴላ ቦንቹዎ ዲራው፡ ኑፔ ጋላታ አካናው ሄዎ አሌዳ።

7 ኑኒ ያሳ አጾ ከካቴላ ዳሩዎዳን፡ ኪሪሰቶሳ ሱላን ዎዜቲደ፤ ሄዎን ያሳይ ኑ ናጋራ አቶ ጌዳ። 8 ያሳይ ባሬ አጼዳ ኤራቴላ ኡባኒኔ ባሬ ዎዛና ቆፋ ኡባን ባሬ አጾ ከካቴላ ኑሲ ዳሪሲዳ አሜዳ። 9 አዪሲ ጎፔ፡ ያሳይ ባሬ ቆፔዳዎ ኦሌዳ፤ ቃሲ ኪሪሰቶሳ ባጋና ፖላናው ቆፒ ዎሌዳ ፀራ ዩወዎ ኑና ኤሪሴዳ። 10 ያሳይ ዎዲያ ወርሴላይ ጋኪያ ዎዴ ፖላናው ቆፔዳ ቆፋይ ኪሪሰቶሳ ዎና ኡዲዳ፡ ሳሉዎኒኔ ሳዓን ዳዒያ ማዴታ ኡባ አቲፔ እኒ ሺሻናዎ።

11 ኡባባይ ያሳ ቆፋዳኒኔ ኢ ጌዳዎዳን ሃኔዳ፤ ያሳይ ካሴቲዳ ቆፒ ዎሌዳዎዳን፡ ኪሪሰቶሳ ባጋና ኑኒ አዎንታ ገዳናዳን፡ ኑና ደሬዳ። 12 ኑኒ ካሴቲዳ፡ ኪሪሰቶሳ ባጋና አካና ገዴ ናሺቻን ናገያዎንቱ፡ ያሳ ቦንቹዎ ጋላቴቶ። 13 ሂንቴወካ ቃሲ ሄዎዳን ሃኔዳ፤ ቱሙ ኪታ፡ ሂንቴንቶ አቶቴላ አሄዳ ሚሺራቹዎ ቃላ፡ ሂንቴ ሲሴዳ ዎዴ ኪሪሰቶሳ አማኔዲታ፤ ያሳይ ሂንቴንቶ አማና ጌዳ ጌሻ አያና ባጋና፡ ሂንቴ አዎ ገዲያዎ ኤሪሲያ ማታፋ ሂንቴ ቦላ ዎሌዳ። 14 ያሳይ ባሬ አሳው አማና ጌዳዎ ኑኒ ላታና ጋካናው፡ ጌሻ አያና ዋሴቴላ ኦይቁዶ። ሄዌ ቃሲ አ ቦንቹዎሲ፡ ጋላታ ገዳናዎ።

ጳውሎስ ኤፌሶና አሳው ዎሴዳ

15 ሄዎ ዲራው፡ ጎዳ ዩሱሳ ሂንቴ አማኒያዎኔ ጌሻቱዎ ኡባ ሂንቴ ሲቁያዎ ታኒ ሲሶዴፔ ደማዳ። 16 ሂንቴንቶ ያሳ ጋላቴያዎ አጋቤዪከ፤ ያሳ ዎሳዴ ሂንቴወካ ዎሳይ። 17 ቃሲ ጎዳ ዩሱሲ ኪሪሰቶሳ ያሳይ፡ ቦንቹዎ አዉ፡ ያሳ ሂንቴ ኤራናዳን፡ ሂንቴና አጼዳ ኤራንቻ ኦሊያ ቃሲ ያሳ ሂንቴንቶ ቆንጨሲያ ጌሻ አያና

ሂንቲንቶ አማናዳን፣ ታኒ ዋሳይ። 18 ያሳይ ሂንቲ ኣካና ጊዳ፣ ናሹቻን ናጊ ኡቲዳዎ ሂንቲና ጃሴዳዎኔ ኢ ባሬ ኣሳው አማና ጊያ ኣንጂ ኣይ ኮና ዲሬንቶ ሂንቲ ኤራናዳን፣ ያሳይ ሂንቲ ዎዛና ደደና፣ ኣ ፖዑዎ ሂንቲ ቤዓናዳን፣ ታኒ ያሳ ዋሳይ።

19-20 ቃሲ ኣ አማኒያ ኑናን ኣ ዎልቃይ ሎይሲ ኦሴ። ሃ ኑናን ዳዒያ ዎልቃይኔ ሃዩቁዎፔ ኪሪሰቶሳ ዳንሲዳ፣ ሳሉዎ ሳዓን ያሳፔ ኡሹቻ ባጋና * ኡቲሴዳ ዎልቃማ ዎልቃይ ኢቱዎ። 21 ኪሪሰቶሲ ሳሉዎ ሱንሳቱዎፔ፣ ጎዳቲሳይ ዳዒያዎንቱፔ፣ ዎልቃማቱዎፔኔ ጎዳቲዎ ኡባፔ ቦላ ጊዲዳ ዎዳ፤ ኢ ሃዒ ዳዒያ ዩሌታ ፃላላን ጊዳናን፣ ሲንሳፔ ያና ዩሌታኒካ ሃራ ሱንሳቲሳ ኡባፔ ቶቄ። 22 ያሳይ ኡባባ ኪሪሰቶሳ ጌዲያፔ ጋርሳን ዎዲሲዳ፣ ቃሲ ያሳይ ኢ ኡባባኒ ኡባፔ ቦላና ጎዳ ጊዳናዳን፣ ዎሳ ጎሌው ኣ አሜዳ። 23 ዎሳ ጎሊ ኪሪሰቶሳ ኣሳቲሳ፤ ዎሳ ጎሊ ኪሪሰቶሲ ኡባሳን ኡባባ ኩንሲያ ኣ ፖሉዎ።

2

ኪሪሰቶሳን ሃዩቁዎፔ ዳዎ ፒኒያዎ

1 ሂንቲ ኣዛዜቲናን ኢጃዳ ዲራውኔ ሂንቲ ናጋራ ዲራው፣ ካሴ ዎዲያን ኣያና ሃዩቁዎ ሃዩቁዲታ። 2 ሄ ዎዳ ሂንቲ ሃ ኣላሚያ ዩሌታ ኢታ ኦጊያ ሃሚቲዲታ፤ ጫርኩዎ ጊደን ዳዒያ ዎልቃማ ኣያናቱዎ ካፖ ቃሲ ያሳው ኣዛዜቲና ኣሳ ሃዒ ዎዲያ ኣያናው ኣዛዜቲዲታ። 3 ኑኒካ ቃሲ ኡባይ ሄ ኣሳ ማላ፤ ቃሲ ኑኒ ኑ ኣሹዎ ኣሙዎዳን ዳዒዳ፤ ኑ ኣሹኔ ኑ ዎዛናይ ኮዩዳዎ ኦሴዳ። ኑኒካ ሃራቱዎዎዳን፣ ኑ ሚጄታን ያሳ ሃንቁዎ ኣካናው ዳዒቶ።

4 ሺን ያሳ ማርቲሳይ ዳራ ጊዲያ ዲራው፣ ባሬ ሲቁዎ ዳራዎዳን፣ 5 ኑኒ ኣው ኣዛዜቲናን ኢጃዳ፣ ሃራይ ኣቶ ኣያናን ሃዩቁዳዎንታ ጊዲናካ፣ ኢ ኪሪሰቶሳና ኑሲ ዳዑዎ አሜዳ። ያሳ ኣቶ ከካቲሳን ሂንቲ ኣቲዲታ። 6 ኑኒ ኪሪሰቶሲ ዩሱሳና ሳሉዎኔ ሳሳኔ ዎዳናዳን፣ ያሳይ ኑና ኣናና ኢቲፔ ሃዩቁዎፔ ዳንሴዳ። 7 ኢ ሲንሳፔ ያና ዎዲያን፣ ኑሲ ኪሪሰቶሲ ዩሱሳን ዳዒያ ከካቲሳን፣ ኡባፔ ኣቲያ ባሬ ኣቶ ከካቲሳ ቶቃቲሳ ቤሳናው ሄዎ ኦሴዳ። 8 ኣዩሲ ጎፔ፣ ሂንቲ ያሳ ኣቶ ከካቲሳን፣ ኣማኑዎን ኣቲዲታ፤ ሃዎ ያሳ ኢሙዎፔ ኣቲን፣ ሂንቲ ኦሱዎና ጊዳና። 9 ሂንቲ ዳቡራን ቤቲቤና ዲራው፣ ሂንቲ ጨቄቲያባይ ኣያዩኔ ባዎ። 10 ኣዩሲ

* 1:19-20 ኡሹቻ ባጋ፡ ዎልቃኔ ቦንቹዎ ሳዓ። 1:19-20 ማዝ 110:1 1:22 ማዝ 8:6 1:22 ቆል 1:18

ጎጥ፣ ኑሲ ያሳ ማዴታ፤ ኢ ኑሲ ካሴቲዳ ገገሲ ዋጭዳ ሎዖ ኦሱዋ ኑሲ ኦፋናዳን፣ ኪሪሰቶሲ ዩሱሳ ባጋና ኑና ማዴዳ።

ኪሪሰቶሳን ቤተያ ኢትፔቴፋ

11 ሃዋ ዲራው፣ ሂንቴኖ ዛሪያን አዪሁዳ ገዴና አሳቶ፣ ባሬንቱ አሳቴፋ ቦላ ኩሺያን ኦሴቴዳዋን፣ ባሬና ቃፃሬቴዳዋንታ ገያ አዪሁዳቱ፣ ቃፃሬቴቤናዋንታ ገዴ ዪሲያዋንቶ፣ ሂንቴ ካሴ ኦኔንቶ አኬኪቴ። 12 ሄ ዋዴ ሂንቴ ኪሪሰቶሳፔ ሻኬቴዳታ፤ አማፋ ገዲዳ፣ ኢሰራዔሊያ አሳፔ ሃኪዴ ዴዔዳታ፤ ያሳይ ባሬ አሳው ኢማና ገዴ ጫቄዳ ጫቄዋፔ አዪኔ ዴሚቤይኪታ፤ ሃ ሳዓ ቦላ ሂንቴ ዴማና ገዴ፣ ናሼቻን ናገ ኡቴዳዋ ዴሚናኒኔ ቃሲ ያሳይ ባዪናን ዴዔዳታ። 13 ሺን ሂንቴ ካሴ ሃኪዴ ዴዔዳዋንቱ ሃዒ ኪሪሰቶሳ ዩሱሳና ዴዒዳ፣ ኪሪሰቶሳ ሃዪቁዋን ማታ ሸቄዳታ።

14 አዪሲ ጎጥ፣ ኪሪሰቶሲ አዪሁዳ አሳኔ አዪሁዳ ገዴና አሳ ኢቱዋ ኡዲዳ፣ ኑሲ ሳርቴፋ አሄዳ። ኡንቱንቱ ላዑዋ ሻኪዴ፣ ሞርኬ ኦሲ ዋጭዳ ሞርኬቴፋ ጎዳ ባሬ አሳቴፋን ኮሊ ዩጌዳ።

15 ኢ ባሬ ሁጹው ሃ ላዑ ዛሬቱዋፔ ኢቲ ኦራፋ አሳ ማዴዳ ሳርቴፋ ዋፋናው፣ አዪሁዳ አሳቱዋ ሂገያ አ አዛዛቱዋኔ ዋጋቱዋና ኢቲፔ ጳዪሴዳ። 16 ኪሪሰቶሲ ማሰቃሊያ ቦላ ሚሲማሪያን ጳሼቲዴ ሃይቄዳ ባሬ ሃዪቁዋን ሞርኬቴፋ ጳዪሴዳ፤ ቃሲ ማሰቃሊያ ባጋና ላዑ ዛሬቱዋካ ኢቲ አሳ ኦሲ ሲጌሊዳ፣ ያሳኮ አሄዳ። 17 ኪሪሰቶሲ ዪዳ፣ ያሳፔ ሃኪዴ ዴዔዳ ሂንቴንቶ አዪሁዳ ገዴናዋንቶ፣ አ ማታን ዴዔዳ አዪሁዳቶ ኡባው፣ ሚሺራቹዋ ቃላ ሳርቴፋ ኦዴዳ።

18 አዪሲ ጎጥ፣ ኑሲ ኡባይ፣ አዪሁዳቱካ አዪሁዳ ገዴናዋንቱካ፣ ኢቲ ጌሻ አያናን ኪሪሰቶሳ ባጋና አዉዋ ሲንፋ ሺቃናው ዳንዳዬቶ።

19 ሲሚ ሂንቴ አዪሁዳ ገዴና አሳቱ ሃዋፔ ሲንፋው አላጋ ዋይ አማፋ ገዲኪታ፤ ሃዒ ሂንቴኔ ጌሻቱ ኢቲ ቢታ አሳ፤ ቃሲ ያሳው ሂንቴ ሶይ አሳ። 20 ዩሱሲ ኪቴዳዋንቱኔ ቲምቢቲያ ኦዲያዋንቱ ባሴዳ ባሱዋ ቦላ ሂንቴካ ኬፀቴዳታ፤ ጎዳ ፃጹዋ ሚኒሲያ ዋና ሹቻይ ኪሪሰቶሲ ዩሱሳ። 21 ኢ ጎሊያ ኡባ ኢቲፔ ሺሺ ኦይቄዳ፣ ያሳ ባጋና ጌሻ፣ ያሳ ጌሻ ጎሌ ገዳና ማላ ዲቹ። 22 ሂንቴ ቃሲ ያሳይ ባሬ አያናን ዴዔዳ ጎሊያ ገዳናው፣ ሃራቱዋ ኡባና ኢቲፔ ኪሪሰቶሳን ኬፀቲታ።

3

ጳውሎሲ አማኔና አሳው ኦጭዳ ኦሱዋ

1 ህዋ ዲራው፡ ሂንቴኖ አዪሁዳ ጊዴና አሳቶ፡ ታኒ ጸዉሎሲ ሂንቴ ዲራው ኪሪሰቶሲ ዩሱሳ ቃሾ አሳ ጊዴዳዌ፡ ያሳ ዋሳይ።
 2 ያሳይ ባሬ አጾ ኬካቴላን፡ ታኒ ሂንቴና ማዳናዳን፡ ሃ ኦሱዋ ታው ኢሜዳዋ ሂንቴ ሎይሌ ሲሴዲታ። 3 ያሳይ ባሬ ፀራ ቆፋ ታው ቆንጨሲዳ፡ ታና ኤሪሴዳ፤ ታኒ ህዋ ቃንላን ፃፋዲ።
 4 ቃሲ ታኒ ፃፊዳዋ ሂንቴ ናባቢያ ዋዳ፡ ኪሪሰቶሳ ፀራ ታኒ ዋታ አኬካዲታንቶኔ ኤራናው ዳንዳዪታ። 5 ቤኒ ዋዴ አሳይ ሄ ፀራ ዩዉዋ ሲሲቤና፤ ሺን ያሳይ ህዋ ዩሱሲ ኪቴዳ ያሳ ናናቶኔ ቲምቢቲያ ኦዲያዋንቶ፡ ጌሻ አያናን ሃዒ ቆንጨሴዳ።
 6 ፀራ ዩዉ ሃዋ፤ አዪሁዳ ጊዴና አሳይ ዋንጋላ ባጋና፡ ያሳ አንጂዋ አዪሁዳቱዋና ኢቲፔ ላቲኖ፤ ኡንቴንቴ ኢቲ አሳቴላን ሻኬቴናን ዴዒኖ፤ ቃሲ ኪሪሰቶሲ ዩሱሳ ባጋና ያሳይ ኢማና ጌዳዋ አዪሁዳቱዋና ሻኪኖ።

7 ያሳይ ባሬ ኦሱዋ ዋልቃ ባጋና ታው ኢሜዳ አጾ ኬካቴላን ታኒ ሃ ዋንጋላው ቆማ ጊዳዲ። 8 ታኒ ጌሻቱዋ ኡባ ጊዳን ላፊያዋ ጊዳፔካ፡ አዪሁዳ ጊዴና አሳው ዛዋይ ባዪና ኪሪሰቶሳ ዲሬቴላ ሚሺራቹዋ ቃላ ኦዲያ ሃ ቃዳ ያሳይ ታው ኢሜዳ። 9-10 ቃሲ ታኒ ህዋን ያሳ ፀራ ቆፋ አሳ ኡባው ቆንጨሳ ኦዳና፤ ኡባባ ሜዴዳ ያሳይ ባሬ ፀራ ዩዉዋ ቤኒ ዋዴ ጌሻላ ዋሌዳ። ያሳይ ሃዒ ህዋ ዋሳ ጎሊያ ባጋና ሳሉዋ ሳዓን ዴዒያ ካፓቶኔ ጎዳቴላይ ዴዒያዋንቶ ዛዋይ ባዪና ባሬ አጾዳ ኤራቴላ ቆንጨሳናው ኦሌዳ።
 11 ያሳይ ህዋ ኦ ጎዳ ኪሪሰቶሲ ዩሱሳ ባጋና ኢ ፖሌዳ ባሬ ሜዲና ቆፋዳን ኦሌዳ። 12 ኦኒ ኪሪሰቶሲ ዩሱሳና ኢቲፔ ጊዲዳ፡ አ አማኒያ አማኑዋን አማኔቲዳ፡ አዪኔ ያዩናን ያሳ ሲንላ ሺቃናው ዳንዳዬቶ።

13 ህዋ ዲራው፡ ታኒ ሂንቴዋን ሜቶቲያዋን ሂንቴ ሂርጌና ማላ፡ ሂንቴና ዋሳይ፤ አዪሲ ጎፔ፡ ታኒ ሂንቴ ቦንቾ ሜቶታይ።

ኪሪሰቶሳ ሲቁዋ

14-15 ህዋ ዲራው፡ ታኒ ሳሉዋኒኔ ሳዓን ዴዒያ አማኒያ ጎሊያ አሳይ ኡባይ አፔ ዩዳ * ያሳ ሲንላን ጉልባታይ። 16-17 ያሳይ ባሬ ቦንቹዋ ዳሩዋዳን፡ ባሬ ጌሻ አያናን፡ ሂንቴንቶ ሂንቴ ጋርሳ አሳቴላን ሂንቴ ሚኒያ ዋልቃ ኢማናዲኒኔ፡ ቃሲ አማኑዋ ባጋና ኪሪሰቶሲ ሂንቴ ዋዛና ባሬ ጎሊያ ሜዳናዳን፡ ታኒ ያሳ ዋሳይ፤ ቃሲካ ሂንቴ ፃጹዋ ዩዲዳ፡ ቶኬቴዳ ሲቁዋን ሚናናዳን፡ ያሳ ዋሳይ። 18 ቃሲ ጌሻቱዋ ኡባና ኪሪሰቶሳ ሲቁ አይ ኬና

* 3:14-15 አፔ ዩዳ፡ አፔ ዳንደዋን፡ ኢቱዋ ኢቱዋ ሁጲያን ሁጲያን ኤሪያዋሳ።

እኩንቶ፣ አዲሱንቶ፣ ቶቄንቶ፣ ጨሜንቶ ፊት ኤሪያ ዋልቃ ሂንቴንቱ ዴማናዳን፣ ታኒ ያሳ ዋሳይ። 19 ኤራቴፋፔ አዲያ ኪሪሰቶሳ ሲቁዋ ሂንቴ ኤራናዳኒኔ ቃሲ ያሳዋ ጊዲያ ኡባባኒ ሂንቴ ፖሊ ኩማናዳን፣ ታኒ ያሳ ዋሳይ።

20-21 ሲሚ ኑ ጊደን ኦሊያ ባሬ ዋልቃ ባጋና ኑኒ ዋሲያዋ ዋይ ቆፒያዋ ኡባፔ ሎይሊ ዳሪሲ ኦፋናው ዳንዳዪያ ያሳው፣ ዋሳ ጎሊያኒኔ ኪሪሰቶሲ ዬሱሳን ኡባ ዋይ ሜዲናፔ ሜዲና ጋካናው ቦንቹ ጊደ። አሜን።

4

ቦላ አቲፔቴፋ

1 ሄዋ ዲራው፣ ታኒ ጎዳው ኦሊያ ዲራው ቃሼቴዳዌ ያሳይ ሂንቴና ጃሴዳ ጃሳው ቤሲያ ዴዑዋ ሂንቴ ዴዳናዳን፣ ታኒ ሂንቴና ዋሳይ። 2 ኡባ ዋይ ሂንቴ ሂንቴ ሁጲያ ካዉሺያዋንታ፣ አሺኬቴዋኔ ዳንዳያንቻቴዋ ጊዲቴ፤ አቱ አቱዋ ማዲያዋን ሂንቴ ሲቁዋ ቤሲቴ። 3 ሂንቴና አቲፔ ጋሊ ቃቹያ ሳሮቴፋን፣ ጌሻ አያናይ ሂንቴንቶ አሚያ አቲፔቴፋ ናጋናው ማኒቴ። 4 ያሳይ ሂንቴና ጃሴዳ ሂደታይ፣ ሂንቴ ዴማና ጊዴ ናጊ ኡቴዳዌ ሜዲ አቱዋ ጊደዋዳን፣ አቲ አሳቴፋይኔ አቲ ጌሻ አያናይ ዴዴ። 5 አቲ ጎዳይ፣ አቲ አማኑኔ አቲ ዪንቃታይ ዴዴ። 6 ኡባ ጎዳይ፣ ኡባ ባጋና ኦሊያዌ፣ ኡባ ጊደን ዴዲያዌ፣ አቲ ያሳይ፣ ኡባ አዉ ዴዴ።

7 ሺን ኪሪሰቶሲ አሜዳ አሙዋዳን፣ ኑኒ ሁጲያን ሁጲያን ዲማ አሙዋ አከደ። 8 ሄዋ ዲራው፣ ያሳ ማፃፋይ፣

«ኢ ፑዴ ቶቃሳ ኬሴዳ ዋይ፣ አሞዴቴዳዋንታ አፌዳ፤ አሳዉካ አሞታ አሜዳ»

ያጌ። 9 ያቲና፣ «ፑዴ ኬሴዳ» ጊያዌ ዋጊያዌ? ኢ ኮዩሮ ዲጌ ዋዴዳ፤ ሄዌ ሳዳው ሂርኪ ዉርሴፋሳ ዋዴዳ ጊያዋ። 10 ሃ ዲጌ ዋዴዳዌ ባሬ ሁጲው አ፤ ሄ ኢ ኡባባ ኩማናዳን፣ ሳሉዋ ኡባፔ ቶቄያሳ ፑዴ ኬሴዳ።

11 አሳው አሞታ አሜዳዌ አ፤ ኢ አቱዋ አቱዋ ዬሱሲ ኪቴዳዋንታ፣ ሃራቴዋ ቲምቢቴያ ኦዲያዋንታ፣ ቃሲ ሃራቴዋ ሚሺራቹዋ ቃላ ኦዲያዋንታ፣ ቃሲካ ሃራቴዋ ዋሳ ጎሊያ ካሌሊያዋንታኑ ታማሪሲያዋንታ ኦሊ ሱንሌዳ። 12 ኢ ሄዋ ጌሻቱ

† 3:18 እኩንቶ፣ አዲሱንቶ፣ ቶቄንቶ፣ ጨሜንቶ፣ ሃዌ ቤሲያዌ ሳሉዋን ዴዲያ ዬራሳላዋ ዋይ ያሳ ሲቁዋ ዋይ ያሳ አቶ ኤራ ዋይ ዬሱሳ ማስቃሎው ዴዲያ ቢሊፋ።

ኡባይ አማኒያ አሳ ኦሱዋ ኦላናዲኒኔ ኪሪሰቶሳ ቦላን ከፀታናዳን ገረሰናው ኦሌዳ። 13 ቃሲ ኮኒ ኡባይ ያሳ ናባ አማኒናኔ ኤሪና ቤቲያ ኢቲፔቴላኮ ጋካና፤ ኮኒ ኪሪሰቶሳ ፖሎ ዲቻ ከና ዲጨዳ። ደንዛ አሳ ገዳናዳና።

14 ኮኒ ቤታን ያኔ ሃኔ ሸጩቲዳ። ባሪንቲ ጨሚያ ሃናታን አሳ ባላ ኦጊያ ካሌሌያ ጌኒያ አሳ ቲሚርቲያ ጫርኩዋ ኡባን ሱጌቲዳ። ሃዋፔ ሲንላው ናባ ገዳናው ቤሴና። 15 ሺን ኮኒ ሲቆቴላን ቱሙዋ ሃሳዪዳ። ሁጼ ገዲያ ኪሪሰቶሳኮ ኡባባኒ ዲጨናው ቤሴ። 16 ቦላ ገደን ዳዒያ ዲማ ዲማ ሻኮታይ ኣኒ ኢቲፔ ኦይቄቲዲና፤ ቃሲ ኩሜንላ ቦላይ ባሪው አሜቴዳሳ ኡባን ኢቲ ኢቲዋና ጋከቲዳ። ኢቲፔ ኦይቄቲ ኡቲዳ፤ ሄ ዲማ ዲማ ሻኮታይ ኦላናው ቤሲያዋ ኦሊያ ዎዳ። ኩሜንላ ቦላይ ሲቁዋን ዲጨኔ ባሪና ከፀ።

ኪሪሰቶሳን ቤቲያ ኦራላ ዳዑዋ

17 ሃዋ ዲራው፣ ታኒ ሃዋ ሂንቲንቶ ጎዳ ሱንላን ኦዳይኔ ማርካታይ። ሂንቲ ጎሲ ባዪና ቆፋ ቆፒያ አዪሁዳ ገደና አሳቱዋዳን ዳጋፒቲ። 18 ኡንቲንቲ ዎዛናይ ቆማኒ ዳዒ፤ ኡንቲንቲ አዪኔ ኤሪናዋንታኔ አዛዜቲና ዲራው፣ ያሳይ አሚያ ዳዑዋፔ ሃኬዲና። 19 ኡንቲንቲ ማታን ዬላ ገያዌ ባዋ፤ ኡንቲንቲ ዎሹማው ካጃላናው ባሪንቲ ሁጲያ አሊ አሚና፤ ቃሲ ቱናባ ኡባ ፓጨ ባዪናን ኦላናው ሎይሊ የራቲያዋንታ።

20 ሺን ሂንቲ ኪሪሰቶሳዋ ሃዋዳን ታማሪቤዪኪታ። 21 አባ ቱሙ ሲሴዲታ፤ ቃሲ ቱማቴላይካ ዬሱሳን ዳዒያዋ፣ አፔ ታማሪዲታ። 22 ሂንቲ ካሴ ዳዒያ ዳዑዋ ኣገቲ፤ ቃሲ ባሪ ጨሚያ አሙዋን ቆዪያ ሂንቲ ኤጫ አሳቴላ ቆዪሲቲ። 23 ሂንቲ ዎዛናይኔ ቆፋይ ኡባና ኦራፃናው ቤሴ። 24 ቱሙ ዓሎቴላኒኔ ጌሻቴላን ያሳ ለሚሱዋን ሜዴቴዳ ኦራላ አሳቴላ ማዪቲ።

25 ሲሚ ዎርዶቶፒቲ። ኮኒ ኡባይ ኪሪሰቶሳ አሳቴላን ኢቲ አሳ ገዲያ ዲራው፣ አሳይ ኡባይ ባሪ ኢሻው ቱሙዋ ሃሳናናው ቤሴ። 26 ሃንቄቲቲ፤ ሺን ሂንቲ ሃንቁዋን ናጋራ ኦላፒቲ። ሂንቲ ሃንቁዋን ዳዒሺን፣ አዋይ ዉሎፖ። 27 ዓላሄው ያዒያ አሞፒቲ። 28 ዉዒያ ኡራይ ሃዋፔ ሲንላው ዉያፖ፤ ሺን ሃዋ ኣጊዳ፣ ሂዬሳቲዋ ማዳናው፣ ባሪ ኩሺያን ሎዶባ ኦሊዳ ዳቡር።

29 ሂንቲ ሃሳያይ ሲሲያዋንታ ጎባና ማላ፣ ኮሺያዋዳን ሜንሌሊያ ሎዶ ቃላይ ሂንቲ ደናፔ ከሶፔ ኣቲን፣ ኢታ ቃላይ ሙሊካ ከሶፖ። 30 ያሳይ ሂንቲና ዎዚያ ጋላሳው ሂንቲ ኣታማቲ

ኡቴዳ ያሳ ገሻ አያና ካዮዮፒቴ። 31 ኢዲያ ሃኖታ፡ ዪሉዋ፡ ሃንቁዋ፡
ዋሱዋኔ ጫሻ ኡባ ኢታቴላ ኡባና ሂንቴፔ ጳዪሲቴ። 32 ኢቱ
ኢቶ ከከቲኔ ቃሪቴቴ፤ ቃሲ ያሳይ ኪሪሰቶሳ ባጋና ሂንቴንቶ አቶ
ጌዳዋዳን፡ ሂንቴካ ኢቱ ኢቱዋ አቶ ገቴ።

5

ፖዑዋን ዳዒቲ

1 ሲሚ ያሳይ ሰቂያ ናናቱዋዳን፡ ኣ ማላቲቴ። 2 ቃሲ ኪሪሰቶሲ
ኑና ሰቂዴ፡ ባሪ ሁጲያ ያሳው ናሼቹያ ያርሹዋዳኒኔ ኢሞታ ኡዲዴ
ኢሜዳዋዳን፡ ሂንቴካ ሰቂዋን ዳዒናው ቤሴ።

3 ሺን ያሳ ናናው ቤሲያዋዳን፡ ሂንቴ ጊደን ዋሹሚያዌኔ
ቱናቴላ ኡባይ፡ ዋይ ሚሻ አሞቲያዌ ሙሌካ ሲሴቶፖ።

4 ዬላዪያዌኔ ኤያ ሃሳያይ ዋይ ፓፍና ቁጂ ሂንቴንቶ ቤሴናዋ
ጊዲያ ዲራው፡ ሂንቴ ማታን ኡባካ ዴፖፖ፤ ሂንቴ ሄዋ ኡባ አጊዴ፡
ያሳ ጋላታናው ቤሴ። 5 ሃዋ ኤሪቴ፤ ኦኒኔ ዋሹሚያዋ ዋይ ቱናባ
ኦሊያዋ፡ ዋይ ሚሻ አሞቲያዋ ጊደፔ፡ ኪሪሰቶሳ ካዉቱላኔ ያሳ
ካዉቱላ ላታናው ዳንዳዬና፤ ሚሻ አሞቲያዌ ኤቃው ጎዪኒያዋፔ
ዲማቲና።

6 ሂንቴና ኦኒኔ ፓፍና ሃሳያን ጨዋፖ፤ አዪሲ ጎፔ፡ ሃዋ ጋሱዋን
ያሳ ሃንቁ አዛዜቴና አሳ ቦላ ያና። 7 ሲሚ ሄዋ ማላ አሳና
ዙፔቶፒቴ። 8 አዪሲ ጎፔ፡ ካሴ ሂንቴ ጳማኒ ዳዒዲታ፤ ሺን
ጎዳ ባጋና ሃዒ ፖዑዋን ዳዒታ፤ ፖዑዋን ዳዒያ አሳዳን ፖዑዋን
ሃሜቲቴ። 9 አዪሲ ጎፔ፡ ፖዑ ሎፖቴላ፡ ዪሎቴላኔ ቱማቴላ ኡባ
አዪፌ።

10 ጎዳ ናሼቹያባይ አዪንቶ ታማሪቴ። 11 ጎዒ ባዪና ጳማ
ኦሱዋ ቆንጨሲ ቤሲቴፔ አቲን አናና ዋላኬቶፒቴ። 12 ኡንቴንቱ
ጌማን ኦሊያዌ ሃራይ አቶ ሃሳዪያዌካ ፖኬ። 13 ሺን ኡባባይ
ፖዑዋ ከሲያ ዋዴ፡ ቆንጨያን ቤታና፤ አዪሲ ጎፔ፡ ቆንጨያን
ቤቲያ ኡባባይ ፖዑዋ። 14 ሄዋ ዲራው፡

«ጌሚዒሺያዎ፡ ቤጎታ፤
ሃዪቁዋፔካ ዳንዳ፤
ኪሪሰቶሲ ኔው ፖዒሳናዋ»

ያጌ። *

15 ሲሚ ሂንቴ ዋኒ ዳዒንቶ አከከቲ፤ አዴዳ ኤራቴላና
ዳዒያ አሳዳን ዳዒቴፔ አቲን፡ አዴዳ ኤራቴላይ ባዪና አሳዳን

5:2 ከሰ 29:18፤ ማዘ 40:6 * 5:14 ሃዌ ማዚሙሪያ ጊዲዴ አማኔዳ አሳይ
ፃማቁቲያ ዋዴ ዬፄቲያዋ።

ዳጋጥቴ። 16 ዋዲ ኢታ ጊዲያ ዲራው። ሂንቴ ዋዲያ ሂንቴው ዳንዳዬቶዋዳን ሎጋቲፋው ጎጴቴ። 17 ሄዋ ዲራው። ጎዳይ ኮዲያዌ አዬንቶ አከከቴ፤ አቴን። ኤያ ጊደጥቴ።

18 ቃሲ ሂንቴናን ጌሻ አያናይ ቃንጫናን ኩሞፔ አቴን። ሂንቴና ባዲዚያ ዋዲኒያ ጊያ ኤሳ ኡሺዴ ማሶቶጥቴ። 19 ማዚሙሪያ ዬላን፣ ጋላቴዴ ዬዲያዋኒኔ አያና ዬላን ኢቱ ኢቱዋና ሃሳዪቴ፤ ቃሲ ጋላቴያ ዬላኒኔ ማዚሙሪያ ዬዲያዋን ሂንቴ ዋዛናን ጎዳ ጋላቴዴ ዬዲቴ። 20 ኑ ጎዳ ዬሱሲ ከሪሰቶሳ ሱንላን፣ አዉዋ ያሳ ኡባባው ኡባ ዋዴ ጋላቴቴ።

አሲናባኔ ማቻቲባ

21 ከሪሰቶሳው ያዪዴ፣ ኢቱ ኢቶ ሞዴቴቴ።

22 ማቼቶ፣ ጎዳው ሞዴቴያዋዳን፣ ሂንቴ አሲናው ሞዴቴቴ።

23 አዪሲ ጎፔ፣ ከሪሰቶሲ ቃሲ ዋሳ ጎሌው ሁጹ ጊዲያዋዳን፣ አሲናይካ ባሬ ማቻቲው ሁጹ፤ ቃሲ ከሪሰቶሲ ባሬ ሁጹያን፣ ባሬ ቦላ ጊዲያ ዋሳ ጎሊያ አሺያዋ። 24 ሺን ዋሳ ጎሊ ከሪሰቶሳው ሞዴቴያዋዳን፣ ማቼቱ ቃሲ ባሬንቱ አሲናው ኡባባኒ ሞዴታናው ቤሴ።

25 አሲናቶ፣ ከሪሰቶሲ ዋሳ ጎሊያ ሰቂዴ፣ ባሬ ሁጹያ ኢዚው አሜዳዋዳን፣ ሂንቴካ ሂንቴ ማቻቱዋ ሰቂቴ። 26 ኢ ዋሳ ጎሊያ ባሬ ቃላኒኔ ሃላን ሜጪ ጌሺዴ፣ ያሳው ዲማያናው ሃዋ ኦሴዳ። 27 ከሪሰቶሲ ዋሳ ጎሊያ ቂታይ ዋይ ዴሙዋ ጪጲሲያዌ ዋይ ሄዋ ማላቲያዌ ባዪናን፣ አ ኩሜንላ ቦንቹዋና ጌሻኔ ቦሬቴናዋ ኡዲዴ፣ ባሬ ሁጹው ሺሻናው ኮዬዳ። 28 ሲሚ ቃሲ አሲናይ ባሬ ማቻቶ ባሬ ቦላዳን ሲቃናው ቤሴ፤ ባሬ ማቻቶ ሰቂያዌ ባሬና ሰቂ። 29 አዪሲ ጎፔ፣ ባሬ ቦላ ኢዲያ አሳይ ሙሌካ ባዋ፤ ሺን ከሪሰቶሲ ዋሳ ጎሊያ ሙዚያዋዳኒኔ ናጊያዋዳን ኦኒኔ ባሬ ቦላ ሙዜኔ ናጌ። 30 አዪሲ ጎፔ፣ ኦኒ አ ቦላ ዲማ ዲማ አሳቴላ።

31 ያሳ ማፃፋይ፤ «ሄዋ ዲራው፣ አቱማዌ ባሬ አዉዋኔ ባሬ ዳዮ አጊዴ፣ ባሬ ማቻቲና ኢቱ፤ ዴዓና፤ ኡንቱንቱ ላዑካ ኢቲ አሹዋ ጊዳና» ያጌ። 32 ሃ ፀራይ ዋልቃማ ቱማቴላ፤ ሺን ታኒ ሃዌ ከሪሰቶሳባኒ ዋሳ ጎሊያባ ኦዴ ያጋይ። 33 ጊደፔካ፣ ቃሲ አሲናይ ሁጹያን ሁጹያን ማቼያ ባሬ ሁጹያዳን ሲቃናው ቤሴ፤ ማቻታካ ባሬ አሲና ቦንቻናው ቤሴ።

6

ዩሌዳዎንቱባኔ ዩሌቴዳ ናናቱዋባ

1 ናቶ፡ ሂንቴና ዩሌዳዎንቶ ጎዳ ቦንቸያዎዳን አዛዘቲቴ፤ አዪሲ ጎቴ፡ ሃዌ ኦፋናው ቤሲያዎ። 2-3 «ኔው ኡባባይ ሎዓናዳኒኔ ሳዓን ኔ ላይላይ አዲቃናዳን፡ ኔ አዉዋኔ ኔ ዳዮ ቦንቻ» ጊያ አዛዙ ያሳይ ኢማና ጌዳ ሂደታና ዴዒያ ኮዩር አዛዙዎ።

4 አዎቶ፡ ሂንቴ ሂንቴ ናናቱዋ ጎዳ ሴራኒኔ ዞሪያን ዲቸቴቴ አቲን፡ ኡንቱንታ ሃንቄላፒቴ።

ጎዳቱዋባኔ አይላቱዋባ

5 አዪላቶ፡ ኪሪሰቶሳው አሊያዎዳን፡ ሂንቴ ጎዳቶ ያሻቴላኒኔ ኮኮርሳን ሱሬ ዋዛናቴ አዛዘቲቴ። 6 ያሳይ ጌዳዎ አሊያዎንቱዳን፡ ኪሪሰቶሳ አዪላቱዋዳን፡ ዋዛናቴ አሊቴቴ አቲን፡ አሳ ናሽቻናው አሊያዎዳን፡ አሳይ ቤያ ጊዴ አላፒቴ። 7 አሳው ጊዴናን ጎዳው አሊያዎዳን፡ ጳቤናን ዋዛናቴ አሊቴ። 8 አዪሌ ጊዲና ዎይ ዎማኑዋ ጊዲና፡ ኢ አሊያ ሎ? ኦሶ ኡባው ጎዳይ ሁጲያን ሁጲያን ዎዪታናዋ ኤሪታ።

9 ጎዳቶ፡ ሂንቴ አዪሌቱዋ ናሲያዎ አጊዴ፡ ኡንቱንቶ ሄዎዳን አሊቴ፤ ሂንቴናኔ ኡንቱንታ ጋሊ ዋዲያ ጎዳይ፡ ኦናኔ ማዲ ፒርዴናዌ፡ ሳሉዋን ዴዒያዎ ኤሪታ።

ያሳ ኦላ ሚሻቱዋባ

10 ዉርሴላን፡ ጎዳኒኔ አ ዎልቃማ ዎልቃን ኡባ ዎዴ ሚኒቴ። 11 ፃላሂያ ኢታ ጨውዋ ቴዓናው ሂንቴ ዳንዲያና ማላ፡ ያሳይ ሂንቴንቶ ኢሚያ ኦላ ማዩዋ ኡባ ማዪቴ። 12 አዪሲ ጎቴ፡ ኦኒ ቦላ ሳሉዋ ዴዒያ ኢታ አያና ዎልቃቱዋና፡ ዋዲያዎንቱና፡ ጎዳቴላይ ዴዒያዎንቱናኔ ሃ ጳማ ቢታ ዋዲያዎንቱና ኦሌቲያዎቴ አቲን፡ አሳና ኦሌቶኮ።

13 ሄዎ ዲራው፡ ኢታ ጋላሳን * ቴዓናዉኔ ቃሲ ዉርሴላይ ጋዛናው ዎዴቶዋፒ ጉዪያን፡ ሚኒ ኤቃናው ሂንቴ ዳንዲያና ማላ፡ ያሳ ኦላ ሚሻ ኡባ ኦይቂቴ። 14-15 ሄዎ ዲራው፡ ፃሳን ሳቂያ ዳንጨያዎዳን ቱማቴላ ዳንጨዴ፡ ቲራን ዎሊያ ኦላ ሚሻዳን ፃሎቴላ ማዪቴ፡ ሂንቴ ጌዲያን ጫማ ዎሊያዎዳን ሳርቴላ ሚሽራቹዋ ቃላ ኦዳናው ጊጊዴ፡ ሚኒ ኤቂቴ። 16 ሄ ኡባፒ

6:1 ቆል 3:20 6:2-3 ኬስ 20:12፤ ዛር 5:16 6:4 ቆል 3:21 6:5 ቆል 3:22-25 * 6:13 ኢታ ጋላሳን፡ ሃዒ ዴዒያ ዎዲያ ዎይ ሃይቁዋ ጋላሳ ዎይ ዉርሴላ ፒርዳ ዎይ ሙራ ጋላሳ ጊያዎ። 6:14-15 ኢሳ 52:7

አሌዴ፡ ፃላሂ ዩዲያ ዋንዳፊያ ታማ ኡባ ቶዩሳናው፡ አማኑዋ ኡባ ዋዴ ጎንዳሊያዳን ኮይቁቴ። 17 አቶቴላ ሁጲያን ዋሌያ ቢራታ ቆቢያዳን ዋሌቴ፤ ቃሲ ጌሻ አያና ማሻ ጊዴዳ ያሳ ቃላ ኮይቁቴ።

18 ያሳ ዋሲዲኔ አ ማዲዋ ኦቺዴ፡ ኡባ ዋዴ ጌሻ አያናን ያሳ ዋሲቴ። ሄዋ ዲራው፡ ሚኒቴ፤ ሳሌቶፒቴ፤ ጌሻቴዋ ኡባው ያሳ ኡባ ዋዴ ዋሲቴ።

19 ቃሲ ታኒ ያዬናን ዋንጋላ ፀራ ኦዳናው፡ ያሳይ ታ ዶና ዶዩዴ፡ ሃሳዩያዋ ኢማናዳን፡ ታዉካ ያሳ ዋሲቴ። 20 ታኒ ሃዲ ቃሹዋን ዴፖፔካ፡ ሃ ዋንጋላ ዲራው ታኒ ከቴቴዳዋ፤ ታኒ አባ ታው ቤሲያዋዳን ያዬናን ኦዳና ማላ፡ ታው ያሳ ዋሲቴ።

ወርሴላ ሳርታ

21 ሺን ታኒ ዋና ዴዒንቶኔ አያ ኦላይታንቶ ሂንቴካ ኤራናዳን፡ ኑ ሲቆ አሻይ፡ ጎዳ ኦሱዋን አማኔቴዳ ቆማይ ቲኪቆሲ፡ ታዋ ኡባ ሂንቴንቶ ኦዳናዋ። 22 ኑኒ ኡባይ ዋኒ ዴዒንቶ ሂንቴንቶ ኦዲዴ፡ ሂንቴና ሚኒሳና ማላ፡ ታኒ አ ሂንቴኮ ኪታዲ።

23 ያሳ አዉዋፔኔ ጎዳ ዩሱሲ ኪሪሰቶሳፔ ሳርቴላይኔ ሲቆቴላይ አማኑዋና ኢቲፔ አሻቴዋ ኡባው ጊዶ፤ 24 ዶቼና ሲቁዋን ኑ ጎዳ ዩሱሲ ኪሪሰቶሳ ሲቂያ ኡባቴዋና ያሳ አጾ ከካቴላይ ጊዶ። አማንዲ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c